

欽定歷代職官表

11

保
4544
9



7保
4844
9

欽定歷代職官表卷二十七

太常寺表

卿 寺 常 太	殷 周 太 宗	三 代
	太 常	秦
	太 常	漢
	太 常	後 漢
	蜀 漢 太 常 魏 太 常 吳 太 常	三 國
	太 常	晉
	太 常 梁 陳 太 常 卿	宋 齊 梁 陳
	太 常 卿	北 魏
	太 常 卿	北 齊
	太 常 卿	後 周
	太 常 卿	隋
	太 常 卿 奉 常 卿 卿 司 禮 卿	唐
	太 常 卿	五 季
	太 常 卿	宋
	太 常 卿	遼
	太 常 卿	金
	太 常 卿 儀 禮 卿 太 常 卿	元 明

職官表卷二十七 太常寺表

廣雅書局

司庫使筆帖式

周典瑞中士

太常寺

提督管法物庫
幹郊願使
祭器所法物庫
提點朝副使
服法物
庫所

合吏

合使
譯使

太常寺

國朝官制

太常寺卿滿洲漢人各一人正三品少卿滿洲漢人各一人正四品

掌典守

壇壝
廟

社以歲時序其祭祀而詔其行禮之節祭日則帥其屬以分司厥事凡牲牢之數籩豆之實咸準儀式而為之共備焉

國初設太常寺以隸禮部置卿少卿等官凡祭祀事宜由禮

部掌行順治十六年改歸本寺康熙二年復以寺事屬禮

部十年仍歸本寺雍正元年始

特簡大臣總理寺事乾隆十四年定禮部滿洲尙書以兼管太常寺入銜永爲成式焉

寺丞滿洲一人漢人二人正六品

掌祭祀之儀式辨其職事以詔有司及遴補員吏鈎稽廩餼之事

國初設滿洲寺丞一人漢人左右寺丞各一人皆堂上正官

乾隆十三年改爲屬官

博士滿洲一人漢軍一人漢人一人正七品

掌繕寫章牘有祀事則具儀以進品物所須咸應時而供其直焉員額順治元年定

贊禮郎滿洲二十二入漢人十四人滿洲贊禮郎初制四品順治十六年改爲九品康熙

六十二百零五

四年改爲六品六年改爲五品九年仍改爲正九品尋又定由護軍校驍騎校選授者六品職銜由八品筆帖式監生選授者八品職銜由無品筆帖式庫使前鋒護軍選授者九品職銜乾隆元年改定俱以六品冠帶食七品俸漢人贊禮郎仍初制爲正九品讀祝官滿洲八人初制五品康熙九年改爲正九品尋又定品數如贊禮郎視出身爲差乾隆元年改定俱以六品冠帶食七品俸

冠帶食七品俸學習贊禮郎讀祝官各滿洲二人九品冠帶

宰相儀序事備物絜器凡國之大禮祀則分充典儀典樂

通贊引禮傳贊司香司玉帛司爵司祝司饌掌燎掌瘞進

俎挈壺司拜牌拜褥等官各共其職無有不恪凡中祀羣

祀咸準式而差次之以奉殷禮焉滿洲贊禮郎初置十六

員讀祝官初置四員又有禮部讀祝官二員康熙十年以

禮部讀祝官改隸太常寺尋又增置額外讀祝官二員雍

正十一年增置贊禮郎八員改額外讀祝官二員爲正額

乾隆三十七年以贊禮郎二員分隸鑾儀衛司贊鳴鞭四十年增置學習贊禮郎讀祝官各二員漢人贊禮郎順治初置十六員康熙三十八年省二員雍正元年復置乾隆二年又增置二員九年復置四員

典簿廳典簿滿洲漢人各一人

正七品

掌行遣文移凡祭祀則辨籩豆牲牲之位而陳之員額順治元年定

司庫滿洲一人庫使滿洲二人

掌祭器儀服之屬各以其物而分貯之歲支銀於戶部鈎考出入以供祀事司庫員額順治元年置庫使員額雍正元年置

筆帖式滿洲九人漢軍一人

滿洲筆帖式初置十八員康熙三十八年省九員漢軍筆

帖式初置二員康熙三十八年省一員

職事員吏部篇

謹案太常寺初設有犧牲所收滿洲漢人各一人從七品掌繫牲牲而芻牧之以待祭祀乾隆二十六年省以其事改入內務府慶豐司管理

歷代建置

三代

杜佑通典今太常者亦唐虞伯夷為秩宗兼夔典樂之任也周時曰宗伯掌邦禮

周禮鄭康成注唐虞三代以宗官典國之禮與其祭祀漢

之太常是也

賈公彥疏上舉唐虞下舉周法則其中夏殷亦宗官掌禮可知故總以三代言之

禮記曲禮天子建天官先六太曰太祝太士鄭康成註此

蓋殷時制也

周禮春官大宗伯卿一人掌建邦之天神人鬼地示之禮以佐王建保邦國以吉禮事邦國之鬼神示以禋祀祀昊天上帝以實柴祀日月星辰以禋燎祀司中司命飆師雨師以血祭祭社稷五祀五嶽以狸沈祭山林川澤以醯辜祭四方百物以肆獻裸享先王以饋食享先王以祠春享先王以禴夏享先王以嘗秋享先王以烝冬享先王小宗伯中大夫二人掌建國之神位右社稷左宗廟兆五帝于四郊四望四類亦如之兆山川丘陵墳衍各因其方辨廟

祧之昭穆毛六牲辨其名物而頒之于五官時其奉之辨

六彝之名物以待果

依注作裸

將辨六尊之名物以待祭祀賓

客掌四時祭祀之序事與其禮鬱人下士二人府二人史一人徒八人掌裸器詔裸將之儀與其節鬯人下士二人府一人史一人徒八人掌共秬鬯而飾之司尊彝下士二人府四人史二人胥二人徒二十人掌六尊六彝之位詔其酌辨其用與其實司几筵下士二人府二人史一人徒八人掌五几五席之名物辨其用與其位典瑞中士二人府二人史二人胥一人徒十人掌玉瑞玉器之藏辨其名物與其用事設其服飾四圭有邸以祀天旅上帝兩圭有邸以祀地旅四望裸圭有瓚以肆先王以裸賓客圭璧以

禮日月星辰璋射邸以祀山川以造贈賓客太祝下大夫
二人上士四人小祝中士八人下士十有六人府二人史
四人胥四人徒四十人太祝掌六祝之辭以事鬼神而祈
福祚求永貞一曰順祝二曰年祝三曰吉祝四曰化祝五
曰瑞祝六曰筴祝小祝掌小祭祀將事侯禳禱祠之祝號
以祈福祥順豐年逆時雨盪風旱彌裁兵遠臯疾凡事佐
太祝

謹案唐虞三代皆以宗官主祭祀之禮說者訓宗爲尊
以其敘次天神地祇人鬼之禮事則謂之秩宗以其爲
治尊禮之長官則謂之宗伯其義一也自六官之制既
廢秦漢始改設太常以代宗伯之任自是宗官職掌乃

盡移於太常故漢官典職謂太常蓋周官宗伯崔駰太
常箴亦云翼翼太常實爲宗伯晉書華恆傳恆拜太常
元帝詔曰恆司宗伯之任後魏禮志劉芳爲太常表云
臣忝居宗伯權德輿謝除太常卿表亦有自罷宰司再
復宗伯之語其後尙書省雖復置禮部以準春官而太
常亦竝建不廢寅清之職遂岐而爲二故唐六典於禮
部尙書侍郎及太常卿沿革皆以春官宗伯當之未免
散而無統今制以禮部滿洲尙書兼管太常寺永爲定
式於是容臺之任始歸畫一洵與周禮相符矣特以源
流所自在三代原無所區分故仍從大典互見於此表
焉

又案祝之爲官所以達誠薦信於鬼神故三代特重之
史記周本紀武王立于社南尹佚祝筴張守節正義曰
尹佚讀筴書祝文以祭社則如今宣讀祝文之職又逸
周書嘗麥解王初祈禱于宗廟少祝導王亞祝迎王則
又如今贊引對引之職禮記月令仲秋乃命宰祝循行
犧牲鄭康成注太祝主祭祀之官則又如今驗視牲隻
之職據春秋左氏莊三十二年傳號有祝應宗區史器
則祝官列於宗官之上當亦由祭祀在正辭告神故以
太祝爲之主也至鬱人鬯人司几筵諸職所司在詔儀
節而辨用位正如今之贊禮郎而典瑞掌藏玉器鄭康
成曰禮神曰器今凡蒼璧黃琮及金編鐘玉編磬等皆

恭貯寺庫設官典守亦其職矣

秦

冊府元龜秦置奉常掌宗廟禮儀有丞

史記封禪書秦諸祠太祝常主以歲時奉祠祝官有祕祝
卽有菑祥輒祝祠移過於下

漢

唐六典漢高祖名曰太常惠帝復曰奉常

史記景帝本紀中六年更命奉常爲太常
王應麟玉海景帝中六年吳利始爲之

漢書百官公卿表奉常掌宗廟禮儀諸陵縣皆屬焉

漢書昭帝本紀元鳳元年三輔太常徒
蘇林注時太常三王陵縣治民也

年三輔太常郡

如清注太常主諸陵別治其縣爵秩如三輔郡元帝永光五年令各屬在所郡也

後漢書百官志太常卿一人中二千石掌禮儀祭祀每祭祀先奏其禮儀及行事常贊天子每選試博士奏其能否大射養老皆奏其禮儀每月前晦察行陵廟

通典太常卿漢舊常以列侯忠敬孝慎者居之後漢不必侯也舊制陵縣悉屬歲舉孝廉後漢則否建安中爲奉常歐陽詢藝文類聚漢官解詁曰太常掌社稷郊時事重職尊故在九卿之首

太平御覽劉熙曰漢置十二卿首太常韋昭辨曰漢正卿九首太常自漢以來九卿所居謂之寺

顏師古漢書注太常者王之旌也畫日月焉王者有大事

則建以行禮官主奉持之故曰奉常後改爲太尊大之義也

宋書百官志應劭曰欲令國家盛大常存故稱太常

謹案秦漢太常卽周官宗伯之任故朝廟大禮皆其所掌不獨祭祀之法式然百官表謂掌宗廟禮儀而不言朝會則其職仍以祠祀爲重也至百官表謂漢初曰奉常景帝始改太常而唐六典則云漢初已名太常通典亦同皆與百官表互異今考史記叔孫通列傳實稱高帝拜通爲太常不作奉常而太平御覽引漢官典職亦有惠帝改太常爲奉常之文是其說當有所據殆百官表徵引未備耳又太常之義應劭顏師古立說各殊未

知孰是然周官有司常之職亦以常名官則顏說當為近之唐書楊收傳載收建言太常分務專治所以藏天子旂常宋張耒除太常作詩亦有平生秉周禮垂老奉龍旂之句蓋均以顏說為可據矣

漢書百官公卿表奉常有丞

王應麟玉海漢舊儀太常丞舉廟中非禮者

漢書韋元成傳元成兄宏為太常丞職奉宗廟典諸陵邑後漢書百官志太常丞一人比千石掌凡行禮及祭祀小事總署曹事其署曹掾史隨事為員

謹案劉昭補後漢志注引盧植禮注云太常卿如大樂正丞如小樂正蓋兩漢大樂令及五經博士皆隸太常

故植有此說今大樂令入樂部表五經博士入國子監表至今之太常博士曹魏始置與此不同

說詳後其實丞與卿通判寺事正如今少卿之比故卿秩

中二千石而丞亦秩至比千石也自後魏既置少卿則丞為散員故唐六典與主簿同職明代乃以少卿與丞均作正官未免冗贅

國朝改寺丞為屬官於體制實為允協矣

唐六典漢官儀鹵簿篇太常駕四馬主簿前車八乘有鈴下侍閣奉車騎吏五伯等員

謹案太常主簿前後漢志俱不載僅見於此蓋即如今典簿之職也

劉昭後漢書志注漢舊儀曰贊饗一人秩六百石掌贊天

子

顏師古急就篇注治禮贊禮儀者也屬太常

謹案漢之贊饗即封禪書所云天子揖見太乙其贊饗曰天始以寶鼎神策授皇帝後漢書禮儀志所云帝進拜謁贊饗曰嗣曾孫皇帝敬再拜者是也蓋主於祝讚禮儀正如今贊禮郎之職而治禮郎四十七人則惟大鴻臚有之太常官屬竝無此名然劉昭注引東觀書稱治禮郎主齋祠則祭祀饋贊之事亦其職司故顏師古以為兼屬太常其言當有所據或兩漢志脫漏也

史記封禪書高祖召秦祝官復置太祝太宰如其故儀禮漢書百官公卿表奉常屬官有太祝令丞景帝中六年更

名太祝為祠祀武帝太初元年更曰廟祝

後漢書百官志太祝令一人六百石凡國祭祝掌讀祝及迎送神丞一人掌祝小神事太宰令一人六百石凡國祭祀掌陳饌具丞一人

劉昭後漢書志注漢舊儀曰廟祭太祝令主酒席

後漢書禮儀志郊祀夕牲太祝更牽牲入到榜太祝令繞牲舉手曰充

東觀漢記陰猛好學溫良以郎遷為太祝令

謹案漢之太祝令丞即如今讀祝官而太宰令丞掌陳饌具則今典簿之司祭前陳設者亦兼有其職又太祝令員吏有宰二百四十二人屠者六十八太宰令員吏

有宰二百四十二人屠者七十三人爲數甚多今太常寺設有廚役三百九十名以供各祭祀烹宰滌濯及陳設之役卽其例也

漢書朱博傳博以太常掾察廉爲安陵丞

劉昭後漢書志注漢官曰太常員吏八十五人其十二人四科十五人佐五人假佐十三人百石十五人騎吏九人學事十六人守學事

三國

三國蜀志杜瓊傳後主踐阼拜諫議大夫遷大鴻臚太常

孟光傳太常廣漢鐔承

三國魏志文帝紀黃初元年改奉常爲太常

晉書職官志太常博士魏官也魏文帝初置

晉書鄭袤表表在魏轉太常高貴鄉公議立明堂精選博士表舉劉毅等後竝至公輔

謹案兩漢以五經博士隸屬太常多至數十人後爲博士置弟子員其薦舉選用皆太常主之漢書功臣侯表山陽侯張當居爲太常坐擇博士弟子不以實免侯漢之太常所以稱爲劇職也自隋唐以後專設國子監五經博士已不隸於太常今別著於國子監表至今之太常博士則始於魏文帝時職在導引乘輿與漢之五經博士竝非一官唐六典敘太常博士沿革乃與太學國學諸博士混而一之殊爲失考矣

三國吳志三嗣主傳太元元年會稽太守滕允爲太常

趙彥衛雲麓漫鈔吳天璽元年遣兼太常周處封禪國山

晉

晉書百官志太常爲列卿置丞功曹主簿五官等員

冊府元龜晉承魏制太常有博士員

通典太常博士魏初置晉因之掌引導乘輿王公以下應
追諡者則博士議定之

晉書鄭默傳默爲太常山濤欲舉一親爲博士謂默曰卿
似尹翁歸令我不敢復言

唐六典晉有太祝令丞太常諸博士有治禮吏二十四人

太祝令史三十人

謹案西漢太常卿必以見侯居之蓋以職奉宗廟園陵
故特隆其任然事關典禮動輒得咎由元狩以降太常
卿因事廢斥者二十人漢書韋元成傳稱太常煩劇多
罪過者是也考之漢書表中所載如鄼侯蕭壽成坐犧
牲瘦蓼侯孔臧坐衣冠道橋壞繩侯周平坐不繕園屋
睢陵侯張昌坐乏祠廣阿侯任越人坐廟酒酸俞侯欒
賁坐雍犧牲不如合收巨侯石德坐廟牲瘦當塗侯魏
不害坐孝文廟風發瓦轆陽侯江德坐廟即夜飲失火
弋陽侯任宮坐人盜茂陵園物皆以奉祠不謹之故削
爵免官是當時於祀事尙爲嚴格故其責任亦重沿及
晉初猶循漢舊晉書所載如張華傳華爲太常以太廟

屋棟折免官刑法志元康四年大風廟闕屋瓦有數枚
傾落免太常荀寓五年大風蘭臺主者求索阿棟之間
得瓦小邪十五處遂禁止太常復興刑獄陵上荆一枝
圍七寸二分者破所司徒太常奔走道路太常禁止不
解蓋法制之嚴肅如此自琅邪南渡此任漸輕晉書任
愷傳遂以太常為散職而南史張瓌傳又稱瓌拜太常
自謂閑職至於病免去官則其時苟且立國不復講求
典禮亦槩可見矣

又案晉書職官志太常屬官內不載太祝合丞而刑法
志載裴頠奏稱近日太祝署失火燒屋三間半署在廟
北隔道在重牆之內云云是晉時實嘗置太祝唐六典
亦謂晉有此職疑職官志因傳刻脫去太祝二字耳

宋齊梁陳

宋書百官志太常一人太祝合一人丞一人掌祭祀讀祝
迎送神

冊府元龜宋太常府有博士

南史徐爰傳宋孝武卽大位爰兼太常丞撰立儀注

南齊書百官志太常府置丞一人五官功曹主簿太祝合
一人丞一人

唐六典齊職儀太祝合品第七四百石銅印墨綬進賢一
梁冠絳朝服用三品勳位

隋書百官志梁天監七年以太常為太常卿視金紫光祿

大夫統太祝合丞

通典太常丞梁舊同員外郎遷尙書郎天監七年改視尙書郎陳因之

鄭樵通志梁天監七年十二卿各置主簿惟太常主簿視二衛主簿陳因之

隋書百官志陳太常中二千石

隋書禮儀志陳天嘉中太中大夫領大著作攝太常卿許

亭
謹案自晉以後太常雖爲列卿之首而職事清簡已非兩漢可比然梁陸倕讓太常表有云宗卿清重歷選所難漢晉已降莫非素範則當時尙以爲華選也至梁世

太祝合在十八班之末品秩最微而隋書禮儀志載天監十一年太祝牒北郊止有一海及二郊俎案詔下詳議蓋職掌所在故太祝亦許其參預禮文然史但言牒而不言奏則必先關白於卿而爲之入告者耳

北魏

魏書官氏志太和高祖議定百官太常從第一品下少卿第三品上太常丞第五品下太祝合從第五品下治禮郎從第六品下祝史太常齋郎從第七品中太常日者從第七品下二十三年復次職令太常第三品太常少卿第四品丞第七品太常博士從第七品太祝合從第八品太常功曹五官治禮郎從第九品

魏書禮志太常博士鄭大議文昭皇后改葬服

魏書高遵傳遵爲中書侍郎高祖恭薦宗廟遵形貌莊潔音氣雄暢常兼太祝令跪贊禮事爲俯仰之節粗合儀矩由是高祖識待之

謹案北魏太祝令掌跪贊禮事正如今贊禮郎讀祝官之職而高遵以中書侍郎第四品下兼太祝令從第八品則亦如今太常寺官之諳習儀典者雖陞任以後仍得兼贊禮讀祝行走不另開缺也又魏書禮志載太和十五年設薦於太和廟高祖薦酌神部尙書王湛讚祝神部尙書一官吏不槩見殆卽太祝之職而臨時特置以重其事者歟

北齊

隋書百官志後齊太常寺置卿少卿丞各一人有功曹五官主簿錄事等員掌陵廟羣祀禮樂儀制天文術數衣冠之屬其屬有博士四人掌禮制統太祝署令丞掌郊廟贊祝祭祀衣服等事

通志北齊太常有功曹五官主簿二人

後周

通典後周官品正七命大宗伯正六命小宗伯上大夫正五命春官大司樂中大夫正四命春官小司樂太祝下大夫正三命春官小祝上士正二命春官司几筵司罇彝掌鬱掌鬯治禮等中士正一命春官司几筵司罇彝掌鬱掌

禮官表卷二十七
治禮等下士

唐六典太常卿後周為宗伯少卿為小宗伯

謹案後周仿古制分建六官自唐六典及通典冊府元龜諸書皆以大小宗伯為即太常卿及少卿之職然考周書長孫紹遠傳紹遠初為太常六官建拜大司樂又斛斯徵傳徵累遷太常卿六官建拜司樂中大夫宣帝嗣位始遷大宗伯疑當時實以大司樂當太常卿蓋用盧植禮注之說也

隋

隋書百官志隋太常寺置卿少卿各一人丞二人主簿二人錄事二人又有博士四人奉禮郎十六人太祝署令一

人丞一人太祝二人煬帝即位罷太祝署而留太祝員八

人屬寺後又增為十人奉禮減置六人案奉禮郎隋時實稱治禮郎唐人修

隋書因避高宗名改作奉禮謹附識

章俊卿山堂考索太常少卿隋煬帝加置二人

唐六典隋太常寺有謁者三十人贊引六十人祝史十六人

唐

舊唐書職官志武德七年定令以太常為九寺貞觀二十三年七月改治禮郎為奉禮郎龍朔二年改太常為奉常卿為正卿咸亨元年詔依舊光宅元年改太常為司禮神龍元年臺閣官名並依永淳以前故事增置太常少卿一

員

新唐書百官志太常寺卿一人正三品少卿二人正四品
上掌禮樂郊廟社稷之事凡大禮則贊引有司攝事則爲
亞獻三公行園陵則爲副大祭祀省牲器則謁者爲之導
小祀及公卿嘉禮命謁者贊相凡藏大亨之器服有四院
一曰天府院藏瑞應及伐國所獲之寶禘祫則陳於廟庭
二曰御衣院藏天子祭服三曰樂縣院藏六樂之器四曰
神廚院藏御廩及諸器官奴婢丞二人從五品下掌判寺
事主簿二人從七品上博士四人從七品上掌辨五禮接
王公三品以上功過善惡爲之諡大禮則贊卿導引太祝
六人正九品上掌出內神主祭祀則跪讀祝文奉禮郎二

人從九品上掌君臣版位以奉朝會祭祀之禮凡樽彝勺
幕篚坩簠簋登銅籩豆皆辨其位凡祭祀朝會在位拜跪
之節贊導之錄事二人從九品上

冊府元龜唐太常又有禮直五人乾元初省貞元七年又
置禮儀直兩員九年以太常寺禮院置修撰檢討官各一
員禮生員三十五人長慶二年又置守闕人

唐會要大中九年八月博士李愨引故事以禮院雖係太
常博士自專無關白者太常三卿始莅事博士無參集之
禮

封演聞見記太常博士掌諡職事三品以上薨者故吏錄
行狀申尚書省考功校勘下太常博士擬議訖申省省司

議定然後聞奏

唐六典太常謁者十人贊引二十人祝史六人

謹案舊唐職官志第一卷總序官制稱神龍元年增太常少卿一員而第二卷太常寺下又稱貞觀加置一員前後自相矛盾以唐六典通典考之則稱貞觀者誤也又唐之禮制皆掌於太常博士故禮院皆以博士自專不必關白於卿貳然觀陸巨傳稱巨爲太常博士寺有禮生孟真久於其事凡吉凶大儀官不能達率訪焉真亦因是姑息自恣元和七年冊皇太子將撰儀注真亦欲參領巨笞逐之由是禮儀不專於胥吏亦可知唐自中葉以降朝廷微弱不暇修明典禮太常所掌多屬具文故胥吏得以干預其事博士特備官而已

五季

冊府元龜後唐同光中諸寺監各只置大卿監其餘官屬竝權停惟太常寺及大理寺事關禮法之重除太常博士更置丞一員

五代史馬縞傳縞事梁爲太常少卿以知禮見稱於世唐莊宗時累遷刑部侍郎權判太常寺

謹案五季諸卿監俱不備官惟太常寺尙沿唐制未有改革然考之五代史盧文紀劉岳崔居儉崔悅諸傳皆嘗爲太常卿而少卿一官自馬縞以外罕所記載疑同光以後亦從併省矣

宋

江少虞宋事實類苑太常寺宋初以來皆禁林之長主判而禮院自有判院同判院大中祥符中符瑞繁縟別建禮儀院以輔臣主判而兩制爲知院天禧未罷知院天聖中省禮儀院而寺與院事舊不相兼康定元年置判寺同判寺竝兼禮院事近有置六七人者按唐太常卿一員少卿二員博士四員祥符中博士二員後加至四員今若置判寺一員同判寺二員合唐之卿數矣天聖元年改同判院爲同知院卽博士也

宋史職官志太常寺卿少卿丞各一人博士四人主簿奉禮郎太祝各一人卿掌禮樂郊廟社稷壇壝寢陵之事少

卿爲之貳丞參領之禮之名有五皆掌其制度儀式祭祀有大祠有小祠其犧牲幣玉酒醴薦獻器服各辨其等凡親祠掌贊相禮儀升降之節凡祠事差官卜日齋戒皆檢舉以聞若禮樂有所損益及祀典神祇爵號與封爵繼嗣之事當考定者擬上於禮部宋初舊置判寺別置太常禮院元豐正名始專其職分案五吏額贊引使二人正禮直官二人副禮直官二人正名贊者七人守關贊者七人私名贊者七人胥吏一人胥佐四人貼司一人書表司一人祠祭局供官十二人祭器司供官十人本寺太樂祭器庫專知官一人庫子一人圓壇太樂禮器庫專知官一人庫子一人○博士掌講定五禮儀式有改革則據經審議凡

於法應諡者考其行狀撰定諡文有祠事則監視儀物掌凡贊導之事○主簿掌稽考簿書○奉禮郎掌奉幣帛大禮則設親祠版位○太祝掌讀冊辭○提點管幹郊廟祭器所南郊太廟祭器庫提點朝服法物庫所朝服法物庫南郊什物庫太廟什物庫掌藏其器服以待祭祀朝會之用凡冠服視其等而頒於執事之臣

宋敏求春明退朝錄舊傳太常卿不是卿祕書監不是監以其品列清重不與諸卿監侔耳太常卿在六尚書下其資望與吏部尚書同每入朝隨尚書立班與尚書丞郎同幕次故太常卿號爲尚書裏行者蓋謂此也少卿卽寄郎中幕次博士則寄員外郎幕次卿與少卿每入幕次皆橫行獨據一榻向門而坐他卿不得竝也

山堂考索元祐詔太常寺置長貳餘寺監竝長貳互置南渡併省寺監獨存太常又命太常兼宗正隆興元年詔光祿歸併太常寺太常丞建炎三年省紹興三年復置博士紹興止一員以諫議大夫曾統言添置一員主簿皇祐中宋祁乞增置一員後更不置元豐正名初除王子琦建炎三年省紹興十年復置

富大用事文類聚元祐初罷太祝太常少卿鮮于侁言神考釐定官制太常設奉禮太祝難廢咸乞復置仍請自朝廷選有學者授之職詔從之

謹案宋自元豐以前太常不置卿貳有事則以他官權

攝沈括筆談載有陳彭年攝太常卿誤行黃道之事考之於史彭年本同知太常禮院而猶必攝此職者蓋奉引乃太常卿之職故臨時又須暫置也迨神宗正名太常卿貳已各有定額卽南渡省併寺監太常得獨存不廢然觀樓鑰攻媿集有重修太常寺記稱嘉定中卿少久闕官舍墮圯則是光寧以後太常仍僅存空名未嘗備官矣又陸游老學庵筆記有游在孝宗初以禮部郎讀祝事是太祝亦不司祝讚蓋當時太祝奉禮皆門蔭之官宜其不嫻儀制耳

遼

遼史百官志南面官寺官職名有卿少卿耶律儼子處貞為太常少卿

丞簿太常寺有博士贊引太祝奉禮郎遼朝雜禮有法物庫所法物庫使法物庫副使

金

金史百官志太常寺皇統三年正月始置卿一員從三品少卿一員

正五品丞一員正六品掌禮樂郊廟社稷祠祀之事博士

二員正七品掌檢討典禮檢閱官一員從九品掌同博士

泰和元年置以品官子孫及置四年罷檢討二員從九品明昌元年置以品官子孫及終場舉人同國史院漢人書寫例太祝從八品掌奉祀神主奉禮郎從八品掌設版位

執儀行事

元

元史百官志太常禮儀院秩正二品掌大禮樂祭享祖廟

社稷封贈諡號等事
中統元年中都立太常寺設寺丞一員
員至元二年翰林兼攝太常寺九年立太常寺設卿一員
正三品少卿以下五員品秩有差十三年省併衙門以待
儀司併入太常寺十四年增博士一員十六年又增法物
庫子掌公服法服之藏二十年陞正三品別置侍儀司至
大元年改陞院設官十二員正二品二年復為太常寺正
三品延祐元年復改陞院正二品以大司徒領之七年降
從二品天祿二年復陞正二品定置院使二員正二品同
知二員正三品屬官博士二員正七品奉禮郎二員太祝
十員從八品令史四人通事知印譯史各二人典史三人
謹案唐宋有太常寺別置太常禮院元則併為一署與

歷代不同至議諡定禮之事自魏晉而後皆以太常博
士掌之迄元猶未改斯制明代以諡典移屬內閣其五
禮法式則歸之禮部自是博士之職始與太祝奉禮無
異矣

明

明史職官志太常寺卿一人正三品少卿二人正四品寺丞二
人正六品其屬典簿廳典簿二人正七品贊禮郎九人正九品
增至三十三人太常掌祭祀禮樂之事總其官屬籍其政令
人後革二人以聽於禮部凡天神地祇人鬼歲祭有常先冬十二月朔
奏進明年祭日天子御奉天殿受之乃傾于諸司天子親
祭則贊相禮儀大臣攝事亦如之初吳元年置太常司設

卿正三品 少卿正四品 丞正五品 典簿博士正七品 贊禮郎從八品 洪

武三十年改司為寺官制仍舊二十五年已定 建文中增

設贊禮郎二人太祝一人成祖初悉復洪武閒制

于慎行穀城山房集國家法六典建官既以禮樂神人之
政總之春曹又設太常卿佐使率其屬以奉郊廟羣神之
祀而掌其器幣壇場儀文樂舞之數以告時於上而請行
之

孫承澤春明夢餘錄太常贊禮郎宋重其官以宰相任子
為之明初亦以處文學之士乙科初選每得之後乃以黃
冠充焉失矣

謹案國之大事在祀故唐虞三代特設宗官以奉天地

宗廟百神之祀其玉帛牲牢尊俎樂舞車旗之屬亦各
以象類典式明備雖一名一物莫不有精意存乎其間
蓋藉以達其祇事之忱初非過為繁縟也秦漢以降制
度廢缺雜以巫祝不合禮意其後累朝相繼講貫太常
職守始漸能復古而當時人主或狃於宴安自便之私
或惑於瀆亂不經之說大抵非惰則褻唐宋二代考訂
最稱明備而又徒事彌文不知肅清將事以交神明之
義卽如郊祀一節唐世每竭府庫以犒賞諸軍而陪祀
臣僚皆得以推恩封廕又御樓肆赦廣釋繫囚凡車駕
出南門灌其樞至用脂百斛以歲一舉行之常典動加
粉飾侈張遂致所費不貲輒行廢祀唐書崔寔傳載文

宗語宰相曰郊廟之禮朕當親之但千乘萬騎國用不給故使有司侍祠唐自肅代以後親郊罕紀職此之由宋代沿唐故習變本加厲南郊執仗兵士至用一萬七千四百餘人青城齋宮廣爲園圃植采木刻鳥獸綿絡其間凡一千七百餘事齋宮幄幔所費縑帛三十餘萬工又倍之玉海載景德郊費六百萬皇祐至一千二百萬務爲紛華糜費無筭南渡偏隅蕞爾而周密宮禁典儀所載大祀之夕糝益蕢燭自太廟直至郊壇泰禋門輝映如晝貴家巨室列幕櫺比珠翠錦繡絢爛於二十里間士女遊遨通宵不絕非特耗蠹物力而侮慢尤甚終以財用不足憚行此禮雖有三年親郊之說曠隔動

至數載神不顧享國祚用傾良由驕汰怠荒無以感格之所致也元明雖稍革此弊然元自世祖至文宗凡七世始克舉南郊親祀之禮明至神宗而郊廟之禮數十年不一躬親熹宗至以魏忠賢姪良卿代行郊祀嚴恭寅畏之心蕩然無存矣

國家惇崇祀典禮樂明備我

皇上敬

天尊

祖肅奉明禋禮度所昭質文咸備

郊

廟大典

太廟五品尉闕則以各

壇六品尉及各部院休致郎中員外郎間次選授六品等尉闕吏

部牒八旗掄送除授

天壇祠祭署奉祀漢人一人從七品祀丞漢人一人從八品

地壇祠祭署奉祀漢人一人祀丞漢人一人

朝日壇祠祭署奉祀漢人一人

夕月壇祠祭署奉祀漢人一人

先農壇祠祭署奉祀漢人一人祀丞漢人一人

帝王廟祠祭署無專員以漢人贊禮郎司樂內一人委理右俱隸樂部

掌典守神庫以時巡視而督其灑掃之役若葺治牆宇樹

藝林木咸白於長官而敬供其事焉順治初置奉祀五人

祀丞五人尋省祀丞二人凡奉祀員闕以祀丞序陞祀丞

員闕以祝版生掄選除授

謹案順治初設

太廟首領內監一人內監二十九人今省內監九人

社稷壇首領內監一人內監九人今省內監五人又康熙二

十五年

傳心殿告成設首領內監二人內監八人今省首領一人

內監四人又順治初各

壇設壇戶各

廟設廟戶以給埽除乾隆六年以原額過冗量加裁省今定

設壇戶

天

地壇各十八人

社稷壇十五人

朝日

夕月壇各十二人

先農壇二十人廟戶

帝王廟十二人

關帝廟五人

都城隍廟六人又雍正間設昭忠祠賢良祠祠戶各二十人今各省十人謹識於此

歷代建置

三代

周禮春官典祀中士二人下士四人府二人史二人胥四人徒四十人掌外祀之兆守皆有域掌其禁合若以時祭祀則帥其屬而修除徵役於司隸而役之及祭帥其屬而守共厲禁而蹕之守祧奄八人女祧每廟二人奚四人掌守先王先公之廟祧其遺衣服藏焉若將祭祀則各以其服授尸其廟則有司修除之其祧則守祧黝堊之既祭則藏其隋與服鄭康成注隋尸所祭肺脊黍稷之屬藏之以依神謹案典祀掌外祀之兆守鄭康成謂所祀於四郊者賈公彥謂兆五帝於四郊已下皆是今之各壇尉其源蓋本於此至守祧當如今之

太廟尉而周制實用奄人蓋因先后之朝衣服及遺器竝藏於廟故以奄人及女奚掌之今

太廟之設內監亦其例也

秦

史記封禪書秦并天下令祠官所常奉天地名山大川鬼神可得而序也自穀以東名山五大川祠二自華以西名山七名川四而四大冢鴻岐吳岳皆有常禾陳寶節來祠灞澇長水灃滂涇渭皆非大川以近咸陽盡得比山川祀汧洛二淵鳴澤蒲山岳嶠山之屬爲小山川亦皆歲禱賽泮涸祠而雍有日月參辰南北斗熒惑太白歲星填星二十八宿風伯雨師四海九臣十四臣諸布諸嚴諸述之屬

百有餘廟西亦有數十祠于湖有周天子祠于下邳有天神灃瀆有昭明天子辟池于社稷有三社主之祠壽星祠而雍管廟亦有社主其在秦中最小之神者各以歲時奉祀唯雍四時上帝爲尊常以十月上宿郊見諸此祠皆太祝常主以歲時奉祀之

謹案嬴秦茂古棄禮故所祠諸神自雍四時而下其載在祀典者凡數十處最爲煩瀆史稱諸祠皆太祝奉祀蓋以祝官分主之亦如今奉祀祀丞之比卽所謂祠官者是也唐六典以秦漢祝官分繫之太祝及郊社署令丞條下蓋本於此今用其例旣入讀祝官沿革仍互見此表云

漢

漢書百官公卿表奉常有諸廟令長丞又靡太宰太祝令丞五時各一尉如淳注五時在靡故特置太宰以下諸官

漢書車千秋列傳千秋爲高寢郎顏師古注高廟衛寢之

郎

漢書韋元成傳元成兄高寢令方山

漢書昭帝本紀元鳳四年孝文廟正殿火廟令丞郎吏皆劾大不敬

漢書郊祀志漢二年冬高帝召故秦祠官復置太祝太宰如故儀後四歲天下已定詔御史令豐治粉榆社令祝立蚩尤祀於長安長安置祠祝官女巫其梁巫祠天地天社

天水房中堂上之屬晉巫祠五帝東君雲中君巫社巫祠族人炊之屬秦巫祠社主巫保族纍之屬荆巫祠堂下巫先司命施糜之屬九天巫祠九天皆以歲時祠宮中其河巫祠河於臨晉而南山巫祠南山秦中各有時日文帝怠於鬼神之事渭陽長門五帝使祠官領以時致禮孝景卽位十六年祠官各以歲時祠如故武帝初卽位尤敬鬼神之祀人有言古天子常以春解祠祠黃帝令祠官領之如其方祠官寬舒議后土壇具太一祠壇立秦時壇禮登中嶽合祠官加增太室祠至東泰山令祠官禮之而不封諸所興如薄忌泰一及三一冥羊馬行赤星五寬舒之祠官以歲時致禮凡六祠皆太祝領之至如八神諸明年凡山

他名祠行過則祠行去則已方士所興祠各自主其人終則已祠官不主它祠皆如故哀帝時祠官九百餘所一歲三萬七千祠云

謹案漢表有諸廟令長丞不言員數考之紀傳高帝廟有高寢令高寢郎孝文廟有令丞郎吏是每廟各置令丞及郎隨時建設本無定額故但以諸廟槩之也至鬼神祠祀漢世多未合禮武帝溺信方士之說所增尤屬不經郊祀志載哀帝時一歲三萬七千祠實爲淫瀆已甚當時皆以祠官典領而五時之在雍者既有太宰太祝令丞復各爲設尉殆以其爲天子郊見上帝之地故特崇其禮歟

宋書百官志明堂丞二人漢東京初置

後漢書百官志高廟令一人六百石守廟掌案行埽除無丞世祖廟令一人六百石如高廟屬太常祠祀令一人六百石典中諸小祠祀丞一人屬少府

劉昭後漢書志注東觀書曰章帝又置祀令丞延光元年省

應邵漢官儀高廟令員吏四人衛士一十五人世祖廟令員吏六人衛士二十人祠祀令從官吏八人騶僕射一人家巫八人

後漢書殤帝本紀延平元年詔罷祀官不在祀典者

謹案後漢禮儀志正月上丁祠南郊禮畢次北郊明堂

高廟世祖廟謂之五供是當時並重其禮乃廟有令而二郊不置官守者疑卽以太常所屬之太祝太宰二令兼其事也至明堂丞本屬太史令疑爲天文占候而設而宋書又與太廟令連職則亦當兼掌祠祀故旣載入欽天監仍互見於此表又案西漢諸廟皆有令丞而東漢惟置高光二廟令者蓋西漢諸帝皆別起寢廟東漢自明帝詔無起寢廟藏主於光烈皇后更衣別室四時合祭於世祖廟嗣後歷代不敢違皆藏主於世祖廟是東漢惟有世祖一廟故設官亦止於此又祠祀令掌禁中諸小祠祀故屬於少府不關太常殆卽殤帝紀所稱祀官者歟

三國

唐六典魏有太廟令丞

晉

晉書職官志太常有太廟令

宋齊梁陳

宋書百官志太廟令一人丞一人領齋郎二十四人明堂令一人宋世祖大明中置丞一人

唐六典宋明堂令丞掌宗祀五帝之事

南齊書百官志太廟令一人丞一人明堂令一人丞一人皆有職史

隋書職官志梁品秩定爲十八班明堂二廟令爲二班又

太社令爲三品蘊位

〔唐六典〕梁太常統明堂太社等令丞

〔胡三省通鑑注〕梁立太廟祀太祖以上又有小廟太祖太夫人廟也有二廟令掌廟事

〔隋書百官志〕陳明堂太廟等令六百石品第五

謹案二廟爲梁之勅制故陳仍改爲太廟令其後陳文帝又卽梁之小廟祀其父始興昭烈王改曰國廟則其禮少損故未嘗設官典守也至太社令陳制未見當已裁併矣

北魏

〔魏書律麻志〕太廟令龐靈扶

〔魏書禮志〕太宗嘗於白登廟有神異焉太廟博士許鍾上言宜告天下

〔唐六典〕後魏祀官齋郎九品中

謹案魏書官氏志不載有郊廟典守之官而太廟令太廟博士別著於律麻志及禮志則亦與前代制度畧同也至六典所謂祀官齋郎卽官氏志之太常齋郎其名始見於宋書百官志至魏而遂有品秩隋唐以後亦相因不改今太常寺額設有執事生九十人以供各

壇

廟及凡中祀羣祀典守金玉香帛與司尊司爵司鑪之事是卽齋郎之比矣

北齊

隋書百官志後齊太常統太廟署令丞掌郊廟社稷等事太廟兼領郊祠崇虛二局丞郊祠掌五郊羣神事崇虛掌五岳四瀆神祀在京及諸州道士簿帳等事

謹案北齊不置明堂太社等令而以太廟令兼掌郊社名實乖互於禮制殊為未協

後周

杜佑通典後周官品正五命春官守廟典祀等中大夫正四命春官小守廟小典祀等下大夫正三命春官小守廟小典祀司郊等上士正二命春官司郊司社等中士正一命春官小守廟奄司郊司社等下士

謹案後周典祀即本周官舊名其守廟亦仍守祀所置而司郊司社則又後世明堂太社二令之職蓋亦雜採古今之制而為之者也

隋

隋書百官志太常統郊社太廟等署各置令一人丞一人郊社則丞至二人煬帝即位太廟署又置陰室丞守視陰室

唐六典隋郊社署又置門僕齋郎

唐

新唐書百官志兩京郊社署令各一人從七品下丞各一人從八品下令掌五郊社稷明堂之位與奉禮郎設樽壘

禮官考卷二十八
一
篚器而太官令實之立燎壇積柴合朔有變則巡察四門以俟變過時則罷有府二人史四人典事五人掌固五人門僕八人齋郎一百二十人齋郎掌供郊廟之役太廟九室室有長三人以主樽罍篚器鎖鑰又有罍洗二人郊壇有掌座二十四人以主神御之物皆禮部奏補凡室長十年掌座十二年皆授官祭饗而員少兼取三館學生皆絳衣絳幘更一番者戶部下蠲符歲一申考諸署所擇者太常以十月申解於禮部如貢舉法帖論語及一大經中第者錄奏吏部注冬集散官否者番上如初六試而絀授散官○汾祠署令一人從七品下丞一人從八品上掌享祭灑埽之制有府二人史四人廟幹二人開元二十一年置

署○三皇五帝以前帝王三皇五帝周文王武王漢高祖兩京武成王廟令一人從六品下丞一人正八品下掌開闔灑埽釋奠之禮有錄事一人府二人史四人廟幹二人掌固四人門僕八人神龍二年兩京置齊太公廟署其後廢開元十九年復置天寶三載初置周文王廟署六載置三皇五帝廟署七載置三皇五帝以前帝王廟署九載置周武王漢高祖廟署上元元年改齊太公廟署爲武成王廟署○諸太子廟令各一人從八品上丞各一人正九品下錄事各一人掌灑埽開闔之節四時享祭焉有府各二人史各二人典事各二人掌固各一人

謹案唐六典無太廟署令丞其太廟齋郎兩京各一百

三十八太廟門僕兩京各三十二人皆領屬於太常卿
據冊府元龜開元二十四年以宗廟所奉不可名以署
太常少卿韋縉奏廢太廟署以少卿一人知太廟事則
是唐初本有太廟署至開元而始廢也其後濮陽王徹
爲宗正卿復建議以宗正司屬籍請以宗廟隸宗正自
是遂不屬太常故歐陽修新唐書志已移載入宗正寺
條下惟唐六典尙繫之太常蓋以成書在前未及修改
之故乃舊唐書志亦襲用六典舊文不加刊正疏舛甚
矣

五季 未置

宋

章俊卿山堂考索宋初置郊社令命石祖元爲之熙寧元
年郊社局令張伯世言局有郊社名而不主四郊之事案
唐六典兩京郊社局各一人掌五郊社稷明堂之位然
則郊社通掌五郊之事乞自今兼令勾當四郊壇壝之事
使得巡視提舉所貴官正其名郊兆常潔從之於是始主
四郊壇壝掌凡掃除之事祭祀則省牲渡江初闕紹興十
九年始除韓彥直爲太社令請給竝依五監主簿例

富大用事文類聚郊社令嘉祐元年置元祐職令正九品
馬端臨文獻通考宋宗廟室長齋郎無常數廟直官一人
太廟后廟宮闈令三人以入內內侍充元豐後太廟令屬
宗正寺掌宗廟薦新七祀及功臣從享之禮品秩與太社

合同

宋書職官志宮闈令率其屬以汎灑廟廷凡修治潔除之事

宋史禮志元豐元年詳定郊廟禮文所請如唐置太廟局令以宗正丞充罷攝知廟少卿而宮闈令不預祠事從之謹案宋太廟令本內侍兼職自元豐定制以宗正丞充之始改用朝官洵為合禮其宮闈令在唐屬內侍省本掌侍奉宮闈之事以遇太廟大享時當帥其屬出皇后神主於室遂令得預祠事迨元豐裁改後當亦通用土流矣至太廟后廟各置一令蓋因宋世皇后之未升祔者皆祭於別廟故特設官以典其祀事南渡以後此職

未見殆已併於太廟令歟

遼未置

金

金史百官志太廟署皇統八年太廟成設署置令丞仍兼提舉慶元明德永祚三宮令一員從六品掌太廟衍慶坤寧宮殿神御諸物及提控諸門關鍵埽除守衛兼廩犧令事丞一員從七品兼廩犧署丞直長明昌三年罷○郊社署承安三年設祝史齋郎百六十人大安元年奏兼武成王廟署令一員從六品丞一員從七品掌社稷祠祀祈禱并廳舍祭器等物直長明昌三年廢○武成王廟署太安元年置令從六品丞從七品掌春秋祀享以郊社令丞兼

金史禮志太廟門翼兩廡各二十有五楹爲齋郎執事之次西南垣外則廟署也

謹案金以燕京原廟爲衍慶宮昭德皇后影廟爲坤儀廟故太廟令兼司其宮殿神御之事百官志以坤儀爲坤靈蓋傳刻之誤也又金史禮志朝享太廟儀有太祝官闈令升殿開祐室出帝后神主設於座之文考之百官志惟宣徽院有宮闈局主閤門禁令並非奉祀之員蓋亦沿唐制令之臨時權攝行事與宋之特置以汎灑廟廷者又有異矣

元

元史百官志太廟署秩從六品掌宗廟行禮兼廩犧署事

至元三年始置令一員從六品丞一員從六品○郊祀署秩從六品大德九年始置掌郊祀行禮兼廩犧署事令二員從六品丞二員從七品○社稷署秩從六品大德元年始置令二員從六品丞一員從七品

元史祭祀志太廟儀鸞庫在宮城之東北南向都監局在其東少南西向

謹案元太廟有都監局則必嘗置都監一官以守衛廟廷蓋如今

太廟尉之比其後或以他官兼之故不見於百官志也又宋代始置祖宗神御殿以擬漢之原廟元因其制於各僧寺設立影堂所奉御容皆紋綺局織錦爲之世祖裕宗在

大聖壽萬安寺順宗仁宗在大普慶寺成宗在大天壽
萬安寺武宗在大崇恩福元寺顯宗明宗在大天源延
聖寺英宗在大永福寺設太禧宗禋院以司其享祀禮
典凡錢糧之出入營繕之作輟悉統之置院使同知等
官所屬有隆禧總管府會福總管府崇祥總管府隆祥
使司壽福總管府各置達嚕噶齊總管副達嚕噶齊等
員又立司禋監奉太祖太宗睿宗三朝御容於石佛寺
揆之禮制未免褻瀆今故不著於表而附識其略於此

明

明史職官志天壇地壇朝日壇夕月壇先農壇帝王廟祈
穀殿各祠祭署俱奉祀一人從七品祀丞二人從八品洪武初

置各祠祭署設署令署丞二十四年改各署令為奉祀署

丞為祀丞建文中更天壇祠祭署為南郊祠祭署成祖初

惟易天壇為天地壇餘悉復洪武間制建文時南郊祠祭

已又改為天壇祠祭署世宗釐祀典分天地壇為天壇地壇山川壇

藉田祠祭署為神祇壇大祀殿為祈穀殿增置朝日夕月

二壇各設祠祭署萬曆四年改神祇壇為先農壇

謹案三代以宗官事神其職最重自漢以後亦多用士

人如車千秋以高寢郎至擢為丞相封侯是也自北齊

太廟令兼領崇虛局主道士籍帳於是明禋大禮遂得

以黃冠錯雜其閒迨明代而郊壇執事率用道流凡神

樂觀樂官及奉祀祀丞之屬皆由此選充甚者如嘉靖

閒之邵世恩至為太常卿陶啟南龔可佩至為太常少卿其他官至寺丞博士者甚多雖由世業相承而稽諸禮制實乖典則

本朝初沿明舊乾隆七年特奉

詔禁止凡充太常樂員者毋得仍習道教如有不願改業者削其籍聽為道士祀事祇承於是益加嚴潔矣

南海桂銘球初校

益陽蔡芳覆校

番禺陶福祥再覆校

欽定歷代職官表卷二十八

欽定歷代職官表卷二十九

陵寢各官表

管總府務內寢陵	三代
	秦
	漢
	後漢
	三國
	晉
	<small>宋齊梁陳</small> 北魏
	北齊
	後周
	隋
	唐 <small>守宮使</small>
	五季
	宋 <small>諸陵使</small>
	遼
	金 <small>提點山陵使</small>
	元 <small>提點山陵使</small>
	明

職官表卷二十九 陵寢各官表

廣雅書局印

陵寢各官

諸陵園諸陵校
郎諸陵長
郎諸陵

守陵指
諸陵巡
檢

孝陵等
衛指揮
使指揮
同知指
揮發事
孝陵等
衛左右
中前後
各千戶
所正千
戶副千
戶百戶

國朝官制

永陵掌關防官一人 正四品各 副關防官兼內管領一人 副關

防官兼尚茶正尚膳正二人 正五品各 筆帖式四人 陵寢同

永陵總管一人 正三品各 翼領二人 正四品各 防禦十有六

人 正五品各 陵寢同

福陵掌關防官一人 副關防官 二人尚茶正尚膳正各二人 俱正

內管領一人 正五品各 筆帖式四人 陵寢同

福陵總管一人 翼領 二人防禦十有六人 世襲騎都尉 一人雲騎

尉品級官七人 六品官 一人 七品官 五人 八品官 四人

昭陵掌關防官一人 副關防官 二人尚茶正尚膳正各一人 內管

職官表卷二十九
領一人筆帖式四人

昭陵總管一人翼領二人世襲一等侍衛兼二等輕車都尉一人

防禦十有六人世襲雲騎尉四人雲騎尉品級二人世襲

六品官七人

右俱滿洲員額

掌守衛

三陵凡班直之令饗獻之禮灑掃之節咸以時分司其事焉

永陵總管等員康熙九年置掌關防等員康熙十一年置

福陵

昭陵掌關防總管等員俱順治十三年置又

永陵有副總領司香尚膳及

國戚章京等員

福陵有副茶領副膳領尚茶尚膳司香管千丁佐領等員又

國戚章京六十五員

昭陵有副總領尚茶尚膳司香管千丁佐領等員又

恩賜國戚防禦品級三員

國戚章京二十員俱順治初年以來先後增置

東陵

泰陵管理承辦事務衙門宗室貝勒貝子公均無常員

東陵

泰陵內務府總管各一人

正二品

掌帥其屬而嚴衛護時薦享以祇奉

陵寢初康熙二年始除內大臣侍衛等守護

職官表卷二十九 陵寢各官

廣雅書局印

孝陵康熙六十一年十二月建

景陵

特命以王公守護別置大學士尚書侍郎領侍衛內大臣內務府
總管副都統散秩大臣乾清門侍衛御前侍衛侍衛等員
皆有關不除乾隆二年定守護

泰陵人員貝勒二人公一人大臣官員十人侍衛十人皆奉

旨除往尋設

東陵

泰陵承辦事務衙門各鑄給印章以守

陵之貝勒貝子公內務府總管等同領其政令焉

守

陵寢總兵官馬蘭鎮泰寧鎮各一人

掌督帥官兵巡防游徼以翼衛

陵寢其內務府總管奉

命兼攝者皆由

特簡不爲例所轄將弁職制詳具武職篇

昭西陵奉祀禮部郎中一人員外郎二人讀祝官二人贊禮郎四

人筆帖式二人

孝陵奉祀禮部掌關防郎中一人

兼管

孝東陵事務員外郎二人讀祝

官二人贊禮郎四人筆帖式二人

孝東陵奉祀禮部員外郎二人讀祝官二人贊禮郎四人筆帖式

二人

景陵奉祀禮部郎中一人員外郎二人讀祝官二人贊禮郎四人
筆帖式二人

景陵皇貴妃園寢讀祝官二人贊禮郎三人

景陵妃園寢讀祝官二人贊禮郎三人

泰陵奉祀禮部郎中一人兼管泰東陵事務員外郎二人讀祝官二人

贊禮郎四人筆帖式四人

泰東陵奉祀禮部員外郎二人讀祝官二人贊禮郎四人筆帖式
四人

泰陵妃園寢主事一人讀祝官二人贊禮郎三人

孝賢皇后陵寢奉祀禮部郎中一人員外郎二人讀祝官二人
贊禮郎四人筆帖式二人

純惠皇貴妃園寢讀祝官二人贊禮郎三人

端慧皇太子園寢讀祝官二人贊禮郎三人

東陵承辦事務衙門主事二人筆帖式二人

西陵承辦事務衙門主事一人委署主事一人筆帖式四人 右

東陵宗室郎中一員外郎一主事一
泰陵宗室員外郎一主事一餘俱滿洲員額

郎中員外郎主事掌判署文案監視禮儀歲供其品物以
序祀事讀祝官掌讀祝辭奉制帛贊禮郎掌讚唱導引以
詔行禮之節筆帖式掌繕錄文移員額自康熙二年以來
先後置乾隆二年定以

孝陵奉祀禮部郎中為掌關防郎中凡各
陵事務皆令會同辦理有闕則掄選引

見請

旨簡補四十六年改置宗室郎中員外郎主事共五人

東陵工部郎中一人員外郎四人筆帖式四人

泰陵工部郎中一人員外郎一人筆帖式四人

泰東陵工部員外郎一人

泰陵妃園寢工部主事一人

掌歲時修葺繕治之事祭祀則供其楮幣官府所須咸給其器具焉員額自康熙二年以來先後置

昭西陵內務府郎中一人員外郎一人主事一人尚茶正尚膳正

各一人俱正四品內管領一人正五品筆帖式二人

孝陵內務府郎中一人員外郎一人主事一人尚茶正尚膳正各

一人內管領一人內副管領一人正六品筆帖式二人

孝東陵內務府郎中一人員外郎一人主事一人尚茶正尚膳正

各一人內管領一人筆帖式二人

景陵內務府員外郎一人主事一人尚茶正一人尚膳正二人內

管領一人內副管領一人筆帖式二人

景陵皇貴妃園寢內務府員外郎一人尚茶副尚膳副各一人委

署內副管領一人俱用九品冠帶

泰陵內務府員外郎一人主事一人尚茶正一人尚膳正二人內

管領一人內副管領一人筆帖式二人

泰東陵內務府郎中一人員外郎一人主事一人尚茶正尚膳正

各一人內管領一人筆帖式二人

泰陵妃園寢內務府主事一人內副管領一人

孝賢皇后陵寢內務府郎中一人員外郎一人主事一人尚茶

正尚膳正各一人內管領一人內副管領一人筆帖式二

人

純惠皇貴妃園寢尚茶副尚膳副各一人委署內副管領一

人

端慧皇太子園寢內副管領一人尚茶副尚膳副各一人

內務府員額

郎中員外郎主事掌奉祭祀奠享之禮埽除開闔之節藝

林木薙草萊皆因時經理之尚茶尚膳正副掌熟俎之具

蔬茹之品醅漿之用咸潔治而敬共之內管領副管領掌

餅餌飴蜜之物以時薦之筆帖式分掌文案員額自康熙
二年以來先後置

昭西陵防禦十有六人驍騎校二人從六品筆帖式二人

孝陵總管一人翼領二人俱兼管昭西陵防禦十有六人

輕車都尉一人雲騎尉二人驍騎校二人筆帖式二人

孝東陵防禦十有六人驍騎校二人筆帖式二人

景陵總管一人翼領二人防禦十有六人驍騎校二人筆帖式二

人

景陵皇貴妃園寢防禦四人驍騎校一人

景陵妃園寢防禦八人驍騎校一人

泰陵

取官表卷二十九
泰東陵總管一人翼領二人防禦四十人驍騎校五人筆帖式二人

孝賢皇后陵寢總管一人翼領二人防禦十有六人驍騎校二人

人

妃園寢防禦八人驍騎校一人

端慧皇太子園寢防禦委署翼領一人防禦七人委署驍騎

校一人

右俱滿洲員額

總管翼領掌帥八旗官兵巡視守護防禦驍騎校掌守衛

門戶庫藏祭祀則共其几筵筆帖式分掌文案員額自康

熙二年以來先後置

歷代建置

三代

周禮春官冢人下大夫二人中士四人府二人史四人胥

十有二人徒百有二十人掌公墓之地辨其兆域而為之

圖先王之葬居中以昭穆為左右凡諸侯居左右以前卿

大夫士居後各以其族以爵等為巨封之度與其樹數正

墓位蹕墓域守墓禁凡諸侯及諸臣葬于墓者授之兆為

之蹕均其禁也鄭康成注冢封土為邱壟象冢而為之公君

賈公彥疏公則諸侯之通稱言君則上通

天子墓大夫下大夫二人中士二人府二人史四人胥二十

人徒二百人掌凡邦墓之地域為之圖令國民族葬而掌

其禁令正其位掌其度數使皆有私地域帥其屬而巡墓

厲居其中之室以守之鄭康成注墓冢塋之地孝子所思墓也

太平御覽齊職儀曰周有墓大夫冢人之職掌先王之墓
謹案古者皆以族葬雖公墓亦然冢人所掌先王之冢
居中子孫皆就而葬之以昭穆爲左右劉向諫營昌陵
疏謂文武周公葬于畢魏了翁古今考以爲文王居中
武王爲昭居左成王爲穆居右者是也至冢墓之稱亦
通乎貴賤左傳稱殺有二陵其南陵夏后皋之墓書傳
稱桐宮湯墓水經注有顓頊冢皇覽有黃帝冢並言冢
言墓而不言陵顧炎武謂春秋以降乃有稱邱者楚昭
王墓謂之昭邱趙武靈王墓謂之靈邱而吳王闔閭之
墓亦名虎邱史記趙世家肅侯十五年起壽陵秦本紀
惠文王葬公陵悼武王葬永陵孝文王葬壽陵始有稱
陵者三秦記稱秦謂天子墳曰山漢云陵亦通言山陵
言高大如山陵據此是陵名當始自戰國以後世之稱
堯陵舜陵者乃從今制追名之耳然觀周禮冢人掌公
墓墓大夫掌邦墓則所司固有差別而踴墓域守墓禁
其嚴立條法亦爲公墓而設後代置官吏以守護山陵
其源實肇於此矣

秦

宋書禮志漢氏諸陵皆有園寢者承秦所爲也

顧炎武曰知錄秦宗廟之禮無間而特起寢殿於墓側
謹案古來言葬薶之侈者莫如秦之驪山役徒至七十
餘萬人而史獨不言有設官守衛之事劉向謂驪山之

作未成而周章百萬之師已至其下疑二世被弑時距
始皇之葬未久屬四方兵起故不暇有所建置也

漢

馬端臨文獻通考諸陵園寢官漢置屬太常

衛宏漢舊儀漢興立都長安徙齊田楚昭屈景及諸功臣
家於長陵後世徙吏二千石高貴富人及豪傑兼併之
家於諸陵長陵邑萬戶奉常屬官有寢園令長丞東園匠
令丞主作陵內器物又有園郎寢郎故事近臣皆隨陵爲
園郎園中各有寢便殿日祭於寢月祭於廟時祭於便殿
寢日四上食丞相以四時行園茂陵平陵杜陵皆取二千
石將相守陵故三陵多貴皆三萬戶至五萬戶

三輔黃圖長陵城周七里百八十步因爲殿垣門四出及
便殿掖庭諸官寺皆在中

雍錄文帝卽霸上立陵以爲霸陵陵後又置縣

漢書景帝本紀五年春正月作陽陵邑張晏注帝作壽陵起邑武帝

本紀建元二年夏四月初置茂陵邑元帝本紀永光四年
以渭城壽陵亭部原上爲初陵詔勿置縣邑

李吉甫元和郡縣志茂陵守陵溉樹埽除凡五千人

漢書昭帝本紀三輔太常郡如淳注太常主諸陵別治其
縣爵秩如三輔郡元帝永光五年令各屬所在郡也

漢書高后本紀六年秩長陵令二千石應劭注長陵高祖
陵尊之故增其令秩

漢書魏相列傳相舉賢良以對策高第為茂陵令

漢書朱博列傳以太常掾察廉補安陵丞

漢書司馬相如列傳相如拜為孝文園令

漢書馮參列傳竟寧中出補涓陵食官令如淳曰給陵上祭祀之事

數病徙為寢中郎師古曰亦涓陵之寢郎也

漢書敘傳班穉遷廣平相上書陳恩願歸相印入備延陵

園郎太后許焉

漢書平帝本紀元始元年義陵寢神衣在外牀上寢令以

急變聞

漢書外戚列傳衛皇后宣帝追諡思后置園邑二百家長

丞周衛奉守焉

漢書武五子傳孝宣帝即位悼皇悼后園置奉邑二百家

故皇太子置奉邑一百家史良娣置守冢三十家園置長

丞周衛奉守如法

謹案自漢高祖葬太上皇於櫟陽置萬年縣為奉陵邑

徙天下民貲二百萬以上與田宅守陵見漢舊儀嗣後高帝

長陵惠帝安陵文帝霸陵景帝陽陵武帝茂陵昭帝平

陵宣帝杜陵皆置陵縣屬於太常故漢世太常得治獄

漢書功臣侯表新時侯趙弟為太常坐鞠獄不實免捕盜杜緩為太常坐盜賊多

起徒役三輔太常徒有舉賢良漢書昭帝紀始元五年

人宣帝紀本始四年如列郡太守之職至元帝始罷其

制蓋當時陵邑皆徙郡國民以實之五方雜處戶口繁

殖漢時三輔豪猾犯法者眾號稱難治其故亦由於此而所謂陵令者實治民之長吏固不僅在奉衛山陵也惟寢園令長丞諸職乃專為守陵而設特漢書百官志紀載簡略不能得其立制之詳今以諸傳參互考之有孝文園令又有義陵寢令則園令寢令實為兩官蓋園令掌奉園陵禮儀當如今

陵寢禮部之職寢令掌寢廟服物當如今

陵寢內務府之職百官志渾舉連稱未加分晰故讀者或誤合為一耳至食官令當如今尚茶尚膳之職園郎寢郎專司直衛當如今總管防禦之職而東園匠令丞主作陵內器物則又如今

陵寢工部之職矣

後漢書百官志先帝陵每陵園令各一人六百石掌守陵

園案行掃除丞及校長各一人校長主兵戎盜賊事應劭漢官

名秩曰丞皆選孝廉郎年少者先帝陵每陵食官令各一

人六百石掌望晦時節祭祀漢官曰每陵食監一人秩六

八人從官二人案食監即是食官令號

後漢書祭祀志建武以來關西諸陵但四時特牲祠帝每幸長安謁諸陵乃太牢祠雒陽諸陵皆以晦望二十四氣伏臘及四時祠廟日上飯太官送用物園令食監典省其親陵所宮人隨鼓漏理被枕具盥水陳妝具後漢書段熲列傳舉孝廉為憲陵園丞陽陵令

後漢書章帝八王傳安帝尊父清河孝王曰孝德皇陵曰
甘陵置令丞設兵車周衛桓帝尊河間孝王陵曰樂成陵
蠡吾侯陵曰博陵靈帝尊祖陵曰敦陵考陵曰慎陵皆置
令丞

謹案陵園規制至西漢而特爲隆備但尚未有天子親
祭之文至後漢明帝永光元年正月帝率公卿已下朝
於原陵如元會儀上陵之禮實始於此至雒陽每陵置
園令丞及食官監等官大抵亦沿西京之制惟其時長
安諸陵世次已遠陵官並置與否史無明文案百官志
謂二輔陵廟所在不改其號而地理志長陵縣下劉昭
注引蔡邕頌云長陵前漢戶五萬口十七萬至光和戶

不盈四千園陵藩衛衆盛之供百役出焉民用匱乏不
堪其事云云疑其事已併於諸陵邑令而以京兆尹總
其成未必盡如雒陽之備官矣

三國

〔薛收元經傳〕漢故事陵上立祭殿至魏制以爲謂古不墓
祭自有廟設於是園邑寢殿遂廢

謹案三國陵官之制不著於史無可考見然如曹魏不
置園邑寢殿則陵上便無祭祀之禮疑令丞之職亦當
隨之俱廢不獨史文之闕漏也

晉

〔晉書職官志〕太常有陵令

唐六典晉太常統陵令丞主簿錄事戶曹史禁備史各一人史四人卒一人

宋齊梁陳

宋書百官志陵令每陵一人漢舊官也屬太常

南齊書百官志諸陵令永明末置用二品三品勳置主簿

戶曹各一人

太平御覽齊職儀曰每陵令一人品第七秩四百石銅印墨綬進賢一梁冠絳朝服

唐六典齊陵令舊用三品勳位孝建三年改爲二品

隋書百官志梁太常統陵監天監七年詔以爲陵監之名不出前誥且宗廟憲章旣備典禮園寢職司理不容異諸

正陵先立監者改爲令於是陵置令矣

富大用事文類聚梁改爲監後復爲令班第二品第九

杜佑通典陵令梁以下皆有之

唐六典陳承梁制陵令秩六百石

北魏

謹案北魏自昭成帝至獻文帝或葬盛樂或葬雲中皆名金陵自孝文帝以後始葬雒都其謁陵之禮書於本紀者先後不一而足獨守陵官吏闕焉無述建置不得而詳考之禮志及后妃諸傳則當時諸陵制度大抵視前代爲簡樸如永固陵起墳纔六十步孝文帝壽宮去永固陵僅里餘又昭后遷祔於長陵兆西北相去亦止

六十步其局隘可以想見又諸陵多近在都城之外如孝文帝謁永固陵皆即日還宮歲時巡省亦便殆即以太常兼之未嘗備置官司也

北齊

〔隋書百官志〕後齊太常寺統諸陵署令丞掌守衛山陵等事

後周

〔通典〕後周官品正三命春官守陵上士正二命春官守陵掌墓等中士正一命春官掌墓下士

〔唐六典〕後周守陵每陵上士一人

隋

〔隋書百官志〕隋太常寺統諸陵署各置令丞一人

〔唐六典〕隋每陵令一人丞一人有主衣主輦主藥等員

唐

〔新唐書百官志〕諸陵臺令各一人從五品上丞各一人從七品下建初啟運興寧永康陵令各一人從七品下丞各一人從八品下掌守衛山陵凡陪葬以文武分左右子孫從父祖者亦如之宮人陪葬則陵戶成墳諸陵四至有封禁民葬惟故墳不毀開元二十五年以陵寢隸宗正天寶二載又以諸陵署隸太常十載改獻昭乾定橋五陵陵署爲臺升令品永康興寧二陵稱署如故至德二年復隸宗正永泰元年太常卿姜慶初復奏隸太常大厯二年復舊

陵臺有錄事各一人府各二人史各四人主衣主輦主藥各四人典事各二人掌固各二人陵戶各三百人昭陵乾陵橋陵增百人諸陵有錄事各一人府各一人史各一人典事各二人掌固各二人陵戶各百人 諸太子陵各一人從八品下丞各一人從九品下錄事各一人府各一人史各二人典事各二人掌固各一人陵戶各三十人

唐開元禮皇帝拜五陵陵令以玉冊進御署訖詣陵拜還至寢宮進省服翫拂拭牀帳入奠酒訖皇帝出中門其守宮使內侍官引內官帥寢宮內人謁見

唐會要開元二十八年制建初起運二陵仍準興寧陵例置署官及陵戶自今以後每歲至春秋仲月分命公卿巡謁其建初起運興寧永康四陵年別四時及八節委所由州縣數與陵署相知造食進獻貞元四年太常寺酌修公卿拜陵儀注其奉禮郎典謁等應須權攝請準天寶六載敕所管縣及陵官博士助教等充

徐乾學讀禮通考昭陵因九嶷層峯鑿山東西深七十五尺爲元宮山有巖架梁爲棧道懸絕百仞繞山二百七十五步始達元宮門頂上亦起遊殿有五重石門其門外於雙棧道上山起舍宮人供養如平常及太宗山陵畢宮人亦依故事畱棧道準舊

柳宗元河東集陳京行狀昭陵山峻而高寢宮在其上內官懲其上下之勤輓汲之艱也謁於上請更之上下其議

京奏不可上從之

〔文獻通考〕貞元十四年命有司修葺陵寢獻昭乾定泰五陵各造屋二百七十八間橋陵一百四十間元陵五十間建陵不復創造但修葺而已

〔日知錄〕唐時陵寢常有鷹犬之奉元宗開元二年四月辛未詔曰園陵之地衣冠所遊凡厥有司罔不祇事頃者別致鷹狗供奉山陵至於料度極多費損有乖儀式無益崇嚴諸陵所有供奉鷹狗等並宜卽停

謹案自漢以後惟唐代山陵之制最爲崇重其於陵上各起寢宮具衣冠嬪御之制亦卽漢諸陵各有寢便殿之遺意守宮使一官唐志不載獨見於開元禮然觀其

帥內官宮人以奉神御其職視陵令實較親近蓋如今之

陵寢內務府總管也至奉禮郎典謁等官惟天子上陵始以正員引讚平日則皆陵令等兼攝之故別無額缺今制各陵皆設讀祝官贊禮郎專司其事視唐代益加嚴肅矣

五季

謹案五季陵寢之禮多沿唐舊然考宋志稱五代諸陵遠者令本州長吏朝拜近者遣太常宗正卿或因行過親謁而不言有陵臺守衛之制疑其時建置草略未必備官也

宋

職官考卷二十九
文獻通考宋以宗正寺知丞事掌奉宗廟諸陵薦享之事
政和五禮新儀春秋二仲薦獻諸陵前一日都監率其屬
詣諸陵闕宮殿門升殿埽除陳香案及供奉之物薦獻日
獻官行事諸陵有司以元日中元冬至日節進獻上宮以
元日冬至寒食節第二第三日上元節等前後各一日中
元節前一日立春二月二日春社上巳重午初伏七夕秋
社中秋望日重陽下元節臘朔望各一日進獻下宮進獻
日行事設都監位於庭北向香火內侍位其後都監香火
內侍升自阼階詣神御室恭奠再拜以出惟永定陵都監
先詣眞宗皇帝下宮行禮畢帥其屬詣章惠皇后陵行禮
永裕陵都監詣神宗皇帝下宮行禮畢帥其屬詣惠恭皇

后位行禮並如上儀

〔事文類聚〕宋元祐令陵臺令從六品

〔宋史禮志〕皇祐二年安陵永昌永熙三陵皆置卒五百人
惟定陵以章獻太后故別置一指揮昭陵使甘昭吉引定
陵例請置守陵奉先兩指揮京西轉運司請減定陵卒半
以奉昭陵詔選募一指揮額五百人紹興二十七年詔永
裕陵及昭慈聖獻皇后攢宮檢察承受以檢察宮陵所爲
名三十年吏部言紹興府會稽知縣依倣陵臺令典故於
階衙內帶主管攢宮事務量加優異
〔李心傳建炎以來朝野雜記〕昭慈攢宮置都監巡檢各一
員衛卒百人

耶官表卷二十一
宋史職官志諸陵祠墳所掌先世后妃之墳園而以時獻享

謹案宋之陵官雖不載於職官志以諸書參互考之其制度亦可概見蓋諸陵皆置使一人都監一人香火內侍一人其置卒守衛則又設指揮巡檢等員以領之南渡以後別有檢察宮陵所主管攢宮諸職名準諸今制陵使總轄其事當如

陵寢內務府大臣都監典掌禮儀當如奉祀禮部而指揮巡檢專司率卒巡護則當如

遼寢八旗之總管防禦也

遼史太祖本紀天顯二年葬太祖於祖陵置祖州天成軍節度使以奉陵寢

遼史地理志懷州奉陵軍節度大同元年世宗置以奉太宗懷陵慶州元寧軍節度聖宗葬此建永慶陵置藩漢守陵三千戶並隸大內都總管司顯州奉先軍節度世宗置以奉顯陵顯陵者東丹人皇王墓也乾州廣德軍節度聖宗統和三年置以奉景宗乾陵

謹案遼代諸陵亦各有寢殿如懷陵有鳳凰殿慶陵有望仙殿御容殿乾陵有凝神殿皆著於史而奉祀之官紀志不詳獨無可考見惟每陵各置節度使以重守衛為遼之制蓋如今之設

陵寢總兵官也

金

〔金史百官志〕諸陵署大安四年同隨朝提點山陵正五品涿州刺

史兼令從六品丞二員從七品掌守山陵直長正八品園

陵署令宛平縣丞兼貞祐二年以園陵遷大興縣境遂以

大興縣令丞兼

謹案金初諸帝本葬上京海陵煬王正隆元年遷始祖

以下十帝改葬於大房山故以涿州刺史兼提點山陵

之職而令丞以下皆特置其園陵之在大興宛平者乃

后妃所葬禮視帝陵為簡故但以縣令丞兼之也

元

〔元史本紀〕世祖成宗武宗仁宗葬起輦谷從諸帝陵英宗

從葬諸帝陵泰定帝明宗文宗寧宗葬起輦谷從諸陵

〔元史祭祀志〕凡陵地開穴所起之土成塊依次排列之既

下復以次掩覆之其有剩土則遠置他所送葬官三員居

五里外日一次燒飯致祭三年然後返

〔事文類聚〕大元置諸陵署隸太常有令丞直長等官又置

提點山陵使及副使

謹案元諸帝皆葬起輦谷最為質樸潘墳楮記室謂葬

後用萬馬蹴平俟草青方解嚴則已漫同平坡無復考

誌遺蹟是當時並無下宮皇堂之制是以不上陵名不

起享殿不植列樹官司守衛自無所用宜百官志不見

有諸陵署之名乃事文類聚又載元代實有此職疑其未可憑據然富大用以元人紀元制又不應舛錯至此姑附存之以備考核焉

明

〔明會要〕熙祖曰祖陵在泗州設祠祭署置奉祀一員陵戶二百九十三戶仁祖曰皇陵在鳳陽府設皇陵衛並祠祭署奉祀一員祀丞三員置陵戶三千三百四十二戶太祖孝陵設神宮監孝陵衛及祠祭署天壽山諸陵各設神宮監并衛及祠祭署睿宗顯陵在承天府設神宮監顯陵衛祠祭署置奉祀一員以威屬爲之嘉靖十八年陞威署爲都督僉事給欽差純德山掌祀關防職專守護始於太常

寺選補奉祀及增祀丞一員如七陵之制

〔明史職官志〕各陵俱設神宮監太監守陵天壽山守備太監一員轄各陵守陵太監職司護衛

〔明官制〕孝陵衛經歷司鎮撫司左右中前後千戶所牧馬千戶所長陵衛經歷司鎮撫司左右中前後中左中右千戶所獻陵等衛經歷司鎮撫司左右中前後千戶所各衛指揮使指揮同知指揮僉事各所正千戶副千戶百戶

謹案三代禮經本無墓祭之文自秦漢崇建陵園始於墓側起廟四時祭祀事之如生雖典屬圻設而緣情定制要爲不失禮意乃漢世專務侈張浸成敝習遂至大陳車馬廣置嬪御與宮廷無異漢書貢禹奏言武帝取

好女數千人填後宮及昭帝幼弱霍光專事不知禮正
皆以後宮女置於園陵今杜陵有宮人數百又外戚傳
有杜陵梁美人又成帝班婕妤充奉園陵又後漢諸陵
以宮人理被枕具盥水陳妝具迄唐世而此風未革其
爲媠瀆實甚宋金稍除其弊而各陵設香火內侍與守
陵都監分司薦獻之禮升偕行禮儼爲儕列亦失體制
至明代而守陵之事遂悉領之神宮監太監又置守備
太監以總統之凡諸陵巡防護視咸歸經理春秋時祀
亦皆神宮監太監承祭朝廷並不遣官以守衛陵園重
務委之一二刑餘使其專奉明禮褻禮慢神尤乖典則
我

大四百四十三

朝輦建

珠邱神皋永奠因山禮制準古加隆凡守護事宜特遣宗室貝
勒貝子公及總管內務府大臣典領以昭崇重而禮部
工部太常寺內務府官屬分曹定職各有攸司所設內
監人員不過供香燈灑掃之役仍歸內務府大臣管轄
制度釐然規條詳肅洵乎超越列代足垂奕禩之法守
矣

